

佛說療痔病經

## 爐香讚

爐香乍爇。法界蒙薰。諸佛海會悉遙聞。  
隨處結祥雲。誠意方殷。諸佛現全身。

南無香雲蓋菩薩摩訶薩

（三稱）

南無本師釋迦牟尼佛



## 佛說療痔病經

唐三藏法師義淨譯

如是我聞。一時薄伽梵在王舍大城竹林園中，與大苾芻眾，五百人俱。時有眾多苾芻，身患痔病，形體羸瘦，痛苦縈

佛說療痔病經

纏，於日夜中，極受憂惱。時具壽阿難陀，見是事已，詣世尊所，頂禮雙足，在一面立。白佛言。世尊。今王舍城，多有苾芻身患痔病，形體羸瘦，痛苦縈纏。於日夜中極受憂惱。世尊。此諸病苦云

何救療。爾時佛告阿難陀。汝可聽此療痔病經，讀誦受持，繫心勿忘，亦於他人，廣爲宣說。此諸痔病，悉得除殄。所謂風痔，熱痔，癢痔，三合痔，血痔，腹中痔，鼻內痔，齒痔，舌痔，眼痔，耳

佛說療痔病經

痔，頂痔，手足痔，脊背痔，糞門痔，徧身支節所生諸痔，如是痔瘻。悉皆乾燥，墮落消滅，必瘥無疑。皆應誦持如是神呪。卽說呪曰。

怛侄他。頰闌帝。頰藍謎。室利鞞。室

里室里。磨羯失質。三婆跋覩。莎訶。

阿難陀。於此北方有大雪山王，中有大娑羅樹。名曰難勝。有三種華，一者初生，二者圓滿，三者乾枯。猶如彼華，乾燥落時。我諸苾芻所患痔病，亦復如是。

佛說療痔病經

勿復血出，亦勿膿流，永除苦痛，悉皆平復，卽令乾燥。又復若常誦此經者，得宿命住智，能憶過去七生之事，呪法成就。莎訶。又說呪曰。

怛姪他。苦謎苦謎。捨苦謎。苦末泥。

捨苦泥。莎訶。

佛說是經已，時具壽阿難陀，及諸大眾。皆大歡喜，信受奉行。

## 佛說療痔病經

佛說療痔病經

注：參照雍正敕脩乾隆大藏經佛說療痔病經影印本。

佛說療痔病經

按封底回封面

